



Broj: 07-02-30-1608/24
Sarajevo, 17.01.2024. godine

KANTON SARAJEVO
Ministarstva za rad, socijalnu politiku,
raseljena lica i izbjeglice
- o v d j e -

Predmet: Inicijativa, d o s t a v l j a s e

Ovim putem, Ministarstvo privrede Kantona Sarajevo podnosi Ministarstvu za rad, socijalnu politiku, raseljena lica i izbjeglice Kantona Sarajevo sljedeću Inicijativu sa obrazloženjem.

Inicijativa:

Potrebno je provesti proceduru donošenja Zakona o izmjenama i dopuni Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/9 i 18/13), kako slijedi:

Zakon

o izmjenama i dopuni Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo

Član 1.

(Izmjene i dopuna člana 6.)

(1) U članu 6. stavu (1) alineji 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/9 i 18/13), riječ: "pripavnika" i interpunkcijski znak "," brišu se.

(2) U stavu (1) iza alineje 7. dodaje se nova alineja 8., koja glasi: "- finansiranje svih obaveza pri zapošljavanju pripravnika,"

(3) U stavu (1) dosadašnja alineja 8. postaje alineja 9.

Član 2.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Obrazloženje:

Prava i obaveze Kantona Sarajevo u utvrđivanju i provođenju mjera za podsticanje i održavanje više stope zaposlenosti i poboljšanje strukture zaposlenih propisani su Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/9 i 18/13) (u daljnjem tekstu: Zakon).

Naime, temeljem člana 4. Zakona, Vlada Kantona Sarajevo, na zajednički prijedlog Ministarstva za rad, socijalnu politiku, raseljena lica i izbjeglice KS, Ministarstva privrede KS i JU "Služba za zapošljavanje Kantona Sarajevo" Sarajevo, utvrđuje godišnji Program mjera za



podsticanje i održavanje više stope zaposlenosti i poboljšanje strukture zaposlenih (u daljnjem tekstu: Program mjera), koje mjere se u Kantonu Sarajevo poduzimaju u cilju provođenja pojedinačnih, konkretnih vidova podsticanja zapošljavanja, a kojim mjerama će se ostvarivati ciljevi iz člana 5. Zakona.

Članom 6. Zakona propisano je - da se ostvarivanje ovih ciljeva obezbjeđuje kroz sljedeće podsticajne mjere:


"- subvencioniranje dijela ili svih obaveza prema javnim приходима pri zapošljavanju pripadnika boračko-braniteljskih populacija odbrambeno oslobodilačkog- domovinskog rata Bosne i Hercegovine, - subvencioniranje dijela ili svih obaveza prema javnim приходима pri zapošljavanju osoba sa invaliditetom, žena, pripravnika, volontera i drugih teško uposlivih kategorija, - obezbjeđenje olakšica (subvencioniranje kamate) u kreditiranju nove proizvodnje i novih radnih mjesta, - finansiranje ili sufinansiranje prekvalifikacije i dokvalifikacije deficitarnih zanimanja prema potrebama tržišta rada, - finansiranje ili sufinansiranje prilagođavanja i adaptacije prostora i nabavke tehničke opreme u cilju novog zapošljavanja, posebno za potrebe osoba sa invaliditetom, - finansiranje ili sufinansiranje pokretanja i razvoja preduzeća koja zapošljavaju više od 50% osoba sa težim invaliditetom, - finansiranje i sufinansiranje programa samozapošljavanja odnosno programa za mikro i porodična preduzeća, - javne radove i sve druge načine kojima će se povećati zaposlenost."

Nakon analize mjera propisanih članom 6. Zakona, a posebno mjere iz člana 6. stava (1) alineje 2. Zakona, koja se pored podsticanja zapošljavanja ostalih ciljnih grupa, odnosi i podsticanje zapošljavanja pripravnika, Ministarstvo privrede Kantona Sarajevo je ocijenilo - da je potrebno propisati posebnu mjeru koja se odnosi na podsticanje zapošljavanja pripravnika, kao posebno teško uposlivih osoba (prvo zaposlenje), te je stoga i podnijelu predmetnu Inicijativu.

Naime, donošenjem Zakona o izmjenama i dopuni Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/9 i 18/13), u godišnji Program mjera može/treba se, kontinuirano, uključivati i sljedeći pojedinačni program:

"Program finansiranja svih obaveza pri zapošljavanju pripravnika", a koji program je od posebnog značaja da se ostvare dobri rezultati po pitanju stope zaposlenosti i poboljšanja strukture zaposlenih u Kantonu Sarajevo.

S poštovanjem,



Dostaviti:

1. Naslovu
2. Evidencija
3. a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba